

韓

詩

內

傳

徵

韓詩內傳徵卷三

承筐是將

薛章句曰承受也

文選注二十五

周道威夷

文選注二十六

韓詩曰道威夷者也

文選注十一

薛章句曰威夷險也

文選注二

十

周道郁夷

漢書二十八上

周道倭夷

釋文六

地理志右扶風郁夷縣原注詩周道郁夷師古注曰小雅四牡之詩曰四牡駢駢周道倭遲韓詩作郁夷字言

使臣乘馬行於此道

征夫捷捷每懷靡及

外傳七

夫移

韓詩序曰夫移燕兄弟也閔管蔡之失道也

藝文類聚八十九

讀詩記

十七

夫移之華萼不煒煒凡今之人莫如兄弟

藝文類聚八十九

賓爾籩豆飲酒之醑

文選注六

薛章句曰飲酒之禮下跣而上坐者謂之宴

文選注一韓詩

曰能者飲不能者已謂之醑

文選注六

和樂且耽

韓詩曰耽樂之甚也

釋文六

伐木

韓詩曰伐木廢朋友之道缺勞者歌其事詩人伐木自

苦其事故以為文文選注二十二韓詩曰飢者歌食勞者歌事

初學記十五韓詩序曰勞者歌其事文選注十六

相彼鳥矣

薛章句曰鳥微物也文選注十三二十

吉圭惟饕儀禮注作爲饕

韓詩曰圭潔也周禮注六經與論三儀禮注

案獨與圭古字通用釋文獨舊音圭絮也呂覽臨飲食必獨絮高誘曰獨讀為圭孟子卿以下必有圭田趙岐

曰圭潔也

昔我往矣楊柳依依文選注二十七

韓詩曰昔始也釋文六薛章句曰依依盛貌文選注二千二十七

檀車綏綏釋文六音禪

儀禮注曰南陔至由儀其義未聞疏曰鄭君注禮之時未見毛傳詩譜序正義曰詩三百十一篇皆子夏為之作序而史記云三百五篇樂緯動聲儀詩緯含神窮向書璇璣鈴皆云三百五篇者漢世毛學不行三家不見詩序不知六篇亡失謂其惟有三百五篇識緯皆漢世所作故云三百五耳案此則韓詩及齊魯皆無笙詩篇目

和鸞雍雍

韓詩內傳曰鸞在衡和在軾前禮記注十五春秋左傳疏五韓詩傳

曰升車則馬動馬動則鸞鳴鸞鳴則和應周禮疏十四三十二

韓詩曰在軾曰和在軛曰鸞讀詩記十八

孔穎達左傳疏曰鸞和所在舊說不同毛詩傳曰在軾
曰和在鑣日鸞韓詩內傳曰鸞在衡和在軾前鄭氏經
解注取韓詩爲說秦詩箋云置鸞於鑣異於乘
車也其意言乘車之鸞在衡田車之鸞在鑣也

惛惛夜飲

薛章句曰惛惛和悅之貌釋文五十八文選注六

其桐其椅其實離離

韓詩曰離離長貌初學記二十八詩攷一

萋萋者莪

薛章句曰萋萋盛貌文選注一

元戎十乘以先啓行

韓嬰章句曰元戎大戎謂兵車也車有大戎十乘謂車

縵輪馬被甲衡軛之上盡有劍戟名曰陷軍之車所以

冒突先啓敵家之行伍也

史記注六十

元老

韓詩曰元長也

玉篇一

東有圃草駕言行狩

後漢注六十上

薛君注曰圃博也有博大茂草也

文選注一 後韓內漢注四十下

傳曰春日畋夏日獲秋日獮冬日狩天子抗大綏諸侯

小綏羣小獻禽其下天子親射之於門夫田獵因以講

道習武簡兵也

御覽八百三十一

四牡奕奕

薛章句曰奕奕盛貌

文選注二十三

駟駟蹇蹇或羣或友

後漢注六十一上

薛章句曰趨曰駟行曰駮

文選注二

劬勞于野

韓詩曰劬數也

釋文六

百堵皆興

韓詩說曰八尺為板五板為堵五堵為雉

詩正義十一之一左傳

隱元年正義韓詩傳曰堵四十尺雉二百尺以板長八尺接

五板而為堵接五堵而為雉

公羊傳注詩攷一

讒言其興

韓詩曰讒言緣間而起 又選注五十詩攷一

鶴鳴于九臯

韓詩曰九臯九折之澤 釋文五

惠棟曰鶴鳴于九臯韓詩章句曰九臯九折之澤楚辭章句澤曲曰臯王充亦言鶴鳴九折之澤孫數碑云收九臯之利婁壽曰本澤字去水省非也臯即臯字馬文淵所謂臯下羊也案文當云四下丰丰音工刀反从四丰聲漢時已誤丰為羊故文淵辨之

有母之尸雍 外傳七

皎皎白駒在彼穹谷 文選注二十八

薛章句曰穹谷深谷也 文選注一

惠棟曰韓人為臯陶穹者三之一鄭司農云穹讀為志無空邪之空案弟子職云志無虛邪或古本虛作空故

讀从之古穹與空同韓詩白
駒云在彼穹谷今詩穹作空

如矢斯杝玉篇十二

韓詩曰杝隅也釋文六

如鳥斯勒詩攷作鞠

韓詩曰勒翅也釋文六

乃生男子

韓詩內傳曰太子生以桑弧蓬矢六射天地四方明當

有事天地四方也白虎通下男生桑弓蓬矢六射上下四方

明當有事天地四方也文選注二十九

載衣之禘

韓詩翼要曰禘示之四方也詩正義十一之二

孔穎達曰禘制方令女子方正事人之義說文引詩作禘

或寢或譌

韓詩曰譌覺也釋文六

譌古訛字薛注云譌覺也毛詩云訛動也說文引詩云民之譌言今正月詩作訛尚書平秩南訛史記作南譌

節南山

韓詩曰節視也釋文六

憂心如炎釋文六

何用不監

韓詩曰監領也釋文六

昊天不庸

韓詩曰庸易也

六釋文

蹙蹙靡所騁

薛章句曰騁馳也

文選注九十一

夢夢

韓詩曰惡貌也

六釋文

又窘陰雨

韓詩章句曰窘迫也

二十讀詩記

速速方穀天天是掇

後漢注六十一上

繫惟司徒

六釋文

顧炎武曰漢書古今人表皮師古曰即詩十月之交所謂蕃惟司徒者也按今詩作番音波儀禮鄉射禮君國中射則皮樹中今文皮為繫漢書御史大夫繫延壽繫音婆按此則都番蕃繫四字皆得與皮通以皮字音婆故也案魏志有繫欽字休伯裴松之注云繫音婆蓋繫延壽之後

抑此皇父

韓詩曰抑意也

釋文

案毛詩箋抑之言噫噫是皇父疾而呼之此用韓詩說也惠棟曰案意即噫也周頌噫嘻成王定本作意淮南繆稱意而不戴高誘曰意恚聲元戴侗六書故曰論語抑與之與漢石經作意與之與大戴禮武王問師向父曰黃帝顓頊之道存乎意亦忽不可得見與後漢書隗囂問班彪曰抑者從橫之事復起于今乎蓋抑有意音二字古通用也

不憇遺一老

韓詩曰愁間也

釋文六

惠棟左傳補注五十二年經厥愁釋文云愁魚靳反徐五巾反案公羊作屈銀是愁讀為銀徐音是也說文云愁从心秋聲又犬部云秋从犬來聲讀又若銀是古音皆以愁為銀

讒口警警

釋文六

雨無極

韓詩序曰雨無極正大夫刺幽王也

雨無其極傷我稼穡浩浩昊天不駿其德

竝朱子詩集傳五

韓嬰章句曰雨無正無眾也

讀詩記二十

劉安世曰嘗記少年讀韓詩有雨無極篇序云正大夫刺幽王也首云雨無其極傷我稼穡浩浩昊天不駿其德詩中云正大大夫離居豈非序所謂正大夫乎

若此無罪薰胥以痛

韓詩曰薰帥也胥相也痛病也言此無罪之人而使有

罪者相率而病之是其大甚

後漢注六十下

漢書敘傳第七十下烏乎史遷薰胥以刑晉灼曰齊魯韓詩作薰薰帥也從人得罪相坐之刑也顏師古曰韓詩淪字作薰薰者謂相薰蒸惠棟曰胥靡也漢書楚元王交傳申公白生諫不聽胥靡之應劭引此詩云胥靡刑名也呂氏春秋云傅說殷之胥靡高誘注胥靡刑罪之名詩言王赦有罪之辜而反坐無罪者以薰胥之刑也三家詩得之毛公誤也

謀猶回馭釋文謀猷回次文選注十四

薛章句曰回邪僻也文選韓詩曰馭僻也釋文

滄滄訛訛

韓詩曰訛訛不善之貌

釋文六

謀夫孔多是用不就

外傳六詩攷序

詩攷序曰漢廣不可休息朱子從韓詩作不可休息小
旻是用不集朱子從韓詩作是用不就熊朋來五經
說曰是用不集當從是用不就以韻為證顧炎武毛
詩本音曰集字非韻宋王應麟言朱子從韓詩作是用
不就案今集傳仍作是用不集非朱子之舊與漢廣
不可休息同毛傳云集就也集亦訓就書顧命曰克達
殷集大命蔡邕石經達作通集
作就是集訓為就音各不同

民雖靡斃

韓詩曰猶無幾何

釋文六

翰飛厲天

韓詩薛章句曰厲附也

文選注一

哀我疹寘

韓詩曰疹苦也釋文六

宜犴宜獄

韓詩曰鄉亭之繫曰犴朝廷曰獄釋文六

案周禮注引詩曰宜犴宜獄此從韓詩也今詩作岸岸訓犴無攷當從韓詩

怒焉如疴除又反

韓詩曰心疾也釋文六

靡瞻匪父

韓詩曰夫為人父者必懷慈仁之愛以畜養其子也文選

注十七

有灌者淵藿葦淠淠外傳七
詩攷一

昊天大無子慎無辜外傳七
詩攷一

韓詩外傳曰傳曰伯奇孝而棄於親隱公慈而殺於弟
叔武賢而殺於兄比干忠而誅於君詩日子慎無辜

僭始既滅

韓詩曰減少也釋文
六

匪其止恭惟王之邛外傳四
詩攷一

韓詩外傳曰弓調然後求勁焉馬服然後求良焉士信
怒而後求知焉士不信又多知譬之豺狼與其難以身
近也詩曰匪其止恭惟王之邛
言其不恭其職事而病其主也

趨趨兔兔遇犬獲之

韓嬰章句曰趨趨往來貌獲得也言趨趨之兔兔謂狡

兔數往來逃匿其迹有時遇犬得之

史記注
七十八

我心施也

韓詩曰施善也

釋文
六

出此三物

許慎引韓詩曰盟牲所用天子諸侯以羊豕大夫以犬

庶人以雞

禮記
疏五

毛詩曰三物犬豕雞也民不相信
則盟詛之君以豕臣以犬民以雞

投畀有北

韓詩內傳曰孔子為魯司寇先誅少正卯謂佞道已行

亂國政也佞道未行章明遠之而已

白虎
通上

將恐將懼

薛章句曰將辭也

文選注七
三十六

棄子如墮

薛章句曰墮猶遺也

文選注
十六

無父何怙無母何恃

韓詩曰怙賴也恃負也

釋文六
衆經音義

跂厥織女終日七襄雖則七襄不成報章

韓詩薛章句曰襄反也

文選注
二十六

東有啓明西有長庚

韓詩曰太白晨出東方爲啓明昏見西方爲長庚

史記
索隱

九

四月

韓詩曰歎征役也

讀詩記二十一

秋日淒淒百卉俱腓

文選注二十

韓詩曰腓變也

釋文六

薛章句曰腓變也俱變而黃也

文選

注二十

亂離斯莫爰其適歸

韓詩薛章句曰莫散也

文選注二十八

眷眷懷歸

文選注二十七

眷眷懷顧

文選注二十五

靜恭爾位好是正直神之聽之介爾景福

外傳四詩攷一

鼓鐘

韓詩曰昭王時作

玉海三十八

鄭康成中候握河注曰昭王時鼓鐘之詩所為作

以雅以南以籥不僭

韓詩內傳曰王者舞六代之樂舞四夷之樂大德廣之

所及

文選注六

薛君曰南夷之樂曰南四夷之樂惟南可以

和於雅者以其人聲音及籥不僭差也

後漢注五十一

韓詩曰

聞其宮聲使人温厚而寬大聞其商聲使人方廉而好

義

隋書志十

周禮鞀鞀氏掌四夷之樂注云四夷之樂東方曰鞀南方曰任西方曰柶離北方曰禁詩云以雅以南是也

蔡邕獨斷上四夷樂之別名王者必作四夷之樂以定天下之歡心祭神明而歌之以管籥為之聲

禮義卒度外傳四詩攷一

馥芬孝祀

韓詩薛章句曰馥香貌也文選注二十九

維禹陒之

韓詩曰陒乘也周禮注二

周禮稍人掌令邱乘之政令注云邱乘四邱為甸甸讀與維禹陒之之陒同其訓曰乘由是改云疏曰毛詩云惟禹甸之不為陒者鄭先通韓詩此據韓詩而言陒是軍陳故訓為乘由甸出車一乘可以為軍故改云乘不為甸也顧炎武詩本音曰顏師古急就章云古者田陳聲相近故陳敬仲奔齊改為田氏小雅信南山維禹甸之韓詩作陒也惠棟曰案陒古文陳見義雲章小司徒注云甸之言乘也讀如中甸之甸又甸祝注云甸

之言田也小宗伯注云甸讀爲田古陳田字同陳又訓棄又與甸通

上天同雲雨雪雰雰

韓詩曰凡草木花多五出雪花獨六出者陰極之數雪

花曰霏雪雲曰同雲自上而下曰雨雪藝文類聚二

中田有廬疆場有瓜外傳四詩攷一

外傳曰古者八家而井田方里而爲井廣三百步長三百步爲一里其田九百畝廣一步長一步爲一畝廣百步長百步爲百畝八家爲鄰家得百畝餘夫各得二十五畝家爲公田十畝餘二十畝共爲廬舍各得二畝半八家相保出入更守疾病相憂患難相救有無相貸飲食相召嫁娶相謀漁獵分得仁恩施行是以其民和親而相好詩曰中田有廬疆場有瓜

蒞彼圃田

韓詩曰葑卓也

釋文六爾雅疏一

爾雅釋詁葑大也音罩疏引韓詩云葑彼圃田說文

云葑从草到聲釋文葑音同倬王應麟困學紀聞

曰韓詩葑彼圃田葑卓也爾雅釋詁葑大也郭璞注云

葑義未聞豈未見韓詩故耶顧炎武唐韻正曰倬竹

覺反去聲則竹到反案韓詩云葑彼圃田說文鮪引詩

烝然鮪鮪从魚卓聲今詩作罩罩呂氏春秋齊淖齒作

卓齒又說文倬淖

掉踈皆以卓得聲

攸介攸止

薛章句曰介界也

文選注六

卜界炎火

韓詩曰卜報也

釋文六

有奔淒淒與雲祁祁

外傳八漢書同詩攷一御覽八百七十二作有駢淒淒

說文有滄淒淒 呂氏春秋有晦淒淒與雲祁 隸
釋曰顏之推謂詩有滄萋萋與雲祁 祁當是與雨趙氏
據無極山碑云漢以前本皆作與雲因顏氏改之予按
左雄傳已作與雨 祁則漢代言詩者自不同由唐以
來定本始以與雨
爲正非因顏氏也

戢其左翼

韓詩曰戢捷也捷其翼於左也

釋文六

莖之秣之

韓詩曰莖委也

釋文六

毛傳曰推莖也 釋文推采臥反則推與
莖音義同也 釋文委紆偽反猶食也

先集惟霰

文選注十三

韓詩曰霰英也

宋書二十九

薛注曰霰霰也

文選注十三 太平御覽

沈約曰花葉謂之英離騷云秋菊之落英左思云落英飄飄是也然則霰為花雪矣草木花多五出雪獨六出

德音來括

薛章句括約束也文選注二十五十三

以愠我心

韓詩曰愠恚也釋文六

構我二人

韓詩曰構亂也釋文六

賓之初筵

韓詩序曰衛武公飲酒悔過也朱子詩集傳五

朱子曰毛氏序曰衛武公刺幽王也韓氏序曰衛武公飲酒悔過也今案此詩與大雅抑戒相類必武公悔過

之作宜
从韓詩

左右秩秩

韓詩曰言賓客初就筵之時賓主秩秩然俱謹敬也

賓既醉止載號載呶

韓詩曰不知其為惡也

竝後漢注
七十

威儀昞昞

蒲板反

韓詩曰昞昞善貌

釋文
六

有頌其首

韓詩曰頌眾貌

釋文
六

便便左右

韓詩曰便便閑雅之貌

左傳引詩曰便蕃左右尚書平章百姓史記作便章平秩字伏生作便秩爾雅云便便辯也毛詩作平平云辯治也便平古今字

紼纒維之

韓詩曰纒笮也釋文韓詩曰纒繫也文選注五十八

福祿肫之

韓詩曰肫厚也釋文六

人之無良相怨一方

韓詩曰良善也言王者所為無有善者各相與於一方

而怨之後漢書注三

如食儀餼

韓詩曰儀我也

釋文六

雨雪庶庶曠視聿消

外傳四詩攷一

韓詩曰曠視日出也

釋文六

如蠻如髦我是用憂

外傳四

外傳曰出則為宗族患入則為鄉里憂詩曰如蠻如髦我是用憂小人之行也

上帝甚愆無自瘵焉

外傳四詩攷一

都人士

緇衣引都人士首章彼都人士狐裘黃黃其容不改出言有章行歸於周萬民所望鄭氏注云此詩毛氏有之三家則亡毛詩正義曰襄十四年左傳引詩曰行歸於周萬民所望服虔曰逸詩也都人士首章有之禮記

韓詩內傳

卷三

左

注亦言毛氏有之三家則亡今韓詩實無此首章時三家列於學官毛詩不得立故服以為逸

薄言覩者

釋文

泱泱白雲

釋文

案毛詩作英英說文英从草央聲出其東門詩正義引白旆央央作英又出車詩旂旐央央本亦作英文選射雉賦天泱泱以垂雲注引毛詩英英白雲云泱與英古字通也

天步艱難之于不猶

韓詩翼要曰天行艱難於我身不我可也

詩正義十五之二

鐘鼓于宮聲聞于外

外傳

外傳曰溫良在中則矚曉著之矣疵瑕在中則矚曉不能匿之詩曰鐘鼓于中聲聞于外

視我怖怖

韓詩曰意不說好也

釋文六

說文十下怖恨怒也从心市聲詩云視我怖怖蒲昧切

顧氏詩本音曰念子燥燥韓詩及說文竝作怖怖孚

吠反八韻今作燥燥不入韻

詩視我邁邁韓詩作視我怖怖顧說非也

縣蠻黃鳥

文選注十一

薛注曰綿蠻文貌

文選注十一四十六

聞百詩曰緡蠻黃鳥毛傳縣蠻小鳥貌雖朱子前有長樂劉氏訓縣蠻作鳥聲終當從毛傳及韓詩薛君章句

縣蠻文貌為是

何人不鰥

詩攷一

韓詩內傳徵卷四

無過爾躬

韓詩曰過病也

釋文七

上天之載無聲無臭

外傳五

鄭康成曰載讀曰裁謂生物也天之造生萬物人無聞其聲音亦無知其臭氣者

天難訖斯

外傳十詩攷一

韓詩曰孔子升泰山觀易姓而王可得而數者七十餘

人不得而數者萬數也

史記注二十八

天謂殷適使不俠四方

外傳五

外傳曰紂之為主勞民力冤酷之令加於百姓僭悽之惡施於大臣羣下不信百姓疾怨故天下叛而願為文

王臣紂自取之也夫貴為天子富有天下及周師至而令不行乎左右悲夫當是之時索為匹夫不可得也詩曰天謂殷適使不佚四方

磬天之妹

韓詩曰磬譬也釋文

詩正義曰倪字韓詩作磬說文倪譬喻也毛詩傳曰倪磬也

牧野洋洋檀車皇皇駟騶彭彭維師尙父時維鷹揚外傳

亮彼武王

韓詩曰亮相也釋文

毛詩傳曰涼佐也鄭箋曰佐武王者為之上將正義曰釋詁云亮介尙右也介右亮也轉以相訓也亮為佐也亮諒義同

絲絲瓜飀

韓詩曰飀小瓜也

釋文七

周原腓腓

文選注六

文選魏都賦注劉曰腓腓美也詩云周原腓腓莫來切詩本音曰文選魏都賦注引韓詩作腓莫來反入韻今作膾不入韻

度之萋萋

韓詩曰度填也

釋文七

阜門有閔

韓詩曰閔盛貌

釋文七

臺臺文王綱紀四方

外傳五

案荀子王制引詩云彫琢其章金玉其相
疊疊我王綱紀四方韓詩作疊疊正同

鳶飛戾天魚躍于淵

薛章句曰魚喜樂則踴躍于泉中
竝文選注五十一

清酒既載

薛章句曰載設也
文選注十

刑于寡妻

韓詩曰刑正也
釋文七

古之人無擇
詩攷一董氏云

鄭康成毛詩箋曰古之人口無擇言身無擇行以身化其臣下

其舊其殄

韓詩曰菑反草也瘡因也因高填下也釋文七

惟此文王帝度其心莫其德音詩正義十六之四

韓詩曰莫定也釋文七

詩正義曰維此王季左傳言維此文王者經涉亂離師有異讀後人因即存之不敢追改今王肅注及韓詩亦作文王是異讀之驗 郭璞曰皆靜定也義俱為定聲又相近讀非

一師故字異也

無然畔援

韓詩曰畔援武強也釋文七

誕先登于岸

薛章句曰誕信也文選注二十

我陵我阿

韓詩薛章句曰四平曰陵

文選注九

韓詩曰曲京曰阿

衆經音義

與爾隆衝

惠棟曰與爾臨衝傳云臨臨車也衝衝車也案文當云
隆衝車也隆高也巢車之類鹽鐵論云衝隆不足為強
高城不足為固韓詩作隆衝後漢殤帝諱隆改隆為臨
漢有隆慮縣東京為臨慮避諱也隆之字曰盛故伏隆
為伏盛孔穎達以為臨
者臨下之名失之矣

崇墉仡仡

韓詩曰仡仡搖也

釋文七

於物魚躍

薛章句曰文王聖德上及飛鳥下及魚鼈

文選注二十

於樂辟靡

韓詩說曰辟靡者天子之學圓如璧墜之以水示圓言

辟取辟有德不言辟水言辟靡者取其靡和也所以教

天下春射秋饗尊事三老五更在南方七里之內立明

堂其中五經之文所藏處蓋以茅葦取其絜清也

詩正義十

六之二

矇矇奏功

韓詩曰無目曰矇珠子具而無見曰矇

文選注五十五

成王之孚下土之式永言孝思孝思維則

外傳五

文王烝哉

韓詩曰烝美也

釋文七

築城伊洳

韓詩曰洳深池

釋文七

王公伊濯

韓詩曰濯美也

釋文七

皇王惟辟

韓內傳曰師臣者帝交友受臣者王臣臣者霸魯臣者

亡白虎通下王溥唐會要七

姜原

韓詩章句曰姜姓原字史記注四韓詩說曰三王各正其郊

禮記正義

載生載育

異義韓魯說曰聖人皆無父感天而生詩正義

拂厥豐草

韓詩曰拂弗也釋文七

或春或抗詩攷一

儀禮有司徹禮二手執挑七枋以挹酒注云挑謂之敵讀如或春或抗之抗字或作挑者秦人語也今文挑作抗疏曰讀从詩或春或抗彼注抗扞曰也今詩云或春或抗董氏引韓詩掄作抗鄭先通韓詩故讀从之

韓詩內傳卷四

五

敦彼行葦牛羊勿踐履

惠棟曰漢儒皆以行葦為公劉之詩班叔皮北征賦曰慕公劉之遺德及行葦之不傷寇榮曰公劉敦行葦世稱其仁王符曰詩云敦彼行葦牛羊勿踐履方苞方體惟葉泥泥公劉厚德恩及草木牛羊六畜且猶感德趙長君曰公劉慈仁行不履生草運車以避葦葦長君从杜撫受學義當見韓詩也

酒醴惟醕

韓詩曰醴甜而不澁也文選注四

鳧鷖在臚

韓詩曰臚水流進貌文選注五

芮隗之卽

地里志右扶風汧原注汧水出汧山西北入渭芮水出西北東入涇詩芮隗雍州川也師古曰芮鞠韓詩作

芮阮讀與鞠同言公劉止其軍
旅欲使安靜乃就芮阮之間

誘民孔易

外傳五

天生烝民其命匪訖

外傳五

靡不有初鮮克有終

外傳八

外傳曰官怠於有成病加於小愈禍生於懈情孝衰於
妻子察此四者慎終如始易曰小狐汔濟濡其尾詩曰
靡不有初
鮮克有終

不明爾德以無倍無側爾德不明以無陪無卿

外傳八

天不湏爾以酒

韓詩曰飲酒閉門不出客曰酒

釋文七

韓詩曰夫飲之禮

不脫履而即序者謂之禮蹠而上坐者謂之宴能飲者

飲之不能飲者已謂之醜齊顏色均衆寡謂之沈閉門

不出者謂之酒故君子可以宴可以醜不可以沈不可

以酒

初學記二十六

薛章句曰齊顏色均衆寡謂之流閉門不

出客謂之酒

文選注六三十五

殷監不遠

外傳十

抑

韓詩翼要曰衛武公刺王室亦以自戒行年九十有五

猶使人日誦是詩而不離於其側

詩正義十八之一

楚語衛武公年九十有五猶箴儆于國作懿以自儆韋昭注懿詩大雅抑之篇也抑讀爲懿孔穎達曰侯包

亦取楚語爲說

訐謨定命遠猷辰告敬慎威儀惟民之則外傳六

荒憊于酒外傳十

子孫承承萬民靡不承外傳六

嗚呼小子

薛章句曰嗚歎辭也文選注二十六

聿喪厥國詩正義十入之一

毛詩曰喪厥國正義曰此曰為辭故韓詩作聿逸離騷注引詩曰子聿有奔走子聿有先後爾疋釋親注引詩曰聿為改歲今詩皆作曰

惟彼不順往以中垢外傳五

對彼雲漢

薛章句曰宣王遭亂仰天也文選注

王念孫曰對乃蒞字之訛蒞倬古字通故毛詩作倬倬彼甫田蒞彼圃田即其證也薛章句云云乃專釋詩辭

非專釋蒞字

鬱隆炯炯釋文七云炯徒冬反

圭璧既卒

韓詩內傳曰天子奉玉升柴加於牲上禮記正義三禮義宗

秣斃下土

韓詩曰秣惡也釋文七後漢注十上

滌滌山川

韓詩傳曰湯時大旱使人禱於山川何休公羊解詁一君親之

南郊以六事謝過自責曰政不一與民失職與宮室榮

與婦謁盛與苞苴行與讒夫倡與何休宋蜀本宮室崇

與公羊解

旱魃為虐如炎如焚後漢注三

我心憚暑

韓詩曰憚苦也釋文七

疹我以旱

韓詩曰疹重也釋文七云疹恥吝反

瞻印昊天

韓詩曰萬人禺禺印天告愬文選注十

惟嶽降神生甫及申惟申及甫惟周之翰

鄭氏禮記注曰翰幹也言周道將興五嶽為之生賢輔

佐仲山甫及申伯為周之幹臣正義曰按鄭志注禮在

先未得毛傳 閻百詩曰按漢杜欽傳仲山甫異姓之

臣就封於齊注云韓詩康成其出此乎 案後漢注五

十七申伯仲山甫周宣王之臣也詩曰惟申及甫惟周

之翰又五十九張衡應問曰申伯樊仲實幹周邦注申

伯申國之伯也樊仲仲山甫也為樊侯竝周宣王之卿

士詩曰惟申及甫惟周之翰注曰翰幹也蓋皆韓詩之

夙夜匪懈 外傳八

王踐之事

韓詩曰踐任也 釋文七

仲山甫徂齊

韓詩曰封於齊鄧展漢書注六十顏

漢書六十杜欽曰仲山父異姓之臣無親於宣就封於

齊而鄧展曰詩言仲山甫徂齊者言銜命往治齊城郭

也而韓詩以為封於齊耳晉灼曰韓詩誤而欽引之阿

附權貴求容媚也師古曰韓詩既有明文而欽引以

為證則是其義非繆而與今說詩者不同鄧晉諸人雖

日涉學未得專非杜氏追咎韓詩也宋洪适隸釋一

漢孟郁脩堯廟碑仲氏所自出本姬周之遺苗天生仲

山甫翼佐中興遂受封於齊周道衰微失爵亡邦後嗣

乖散居於成陽因氏仲焉釋曰右碑漢威宗永康元年

濟陰太守孟郁脩堯廟成陽令丞率掾史佐之仲氏宗

家共作作文者既褒揚守令丞尉繼敘仲氏之美也杜

欽傳云仲山父異姓之臣無親於宣就封於齊鄧展晉

灼云山甫銜命往治齊城韓詩誤以為封而欽引之顏

師古曰韓詩既有明文未可專非杜氏此碑云山甫受

封於齊周衰失爵後嗣遂

有悼其道

韓詩曰暉明也

釋文七

韓侯受命

韓詩內傳曰諸侯世子三年喪畢上受爵命於天子所

以名之為世子何言欲其世世不絕也

白虎通上

諸侯世子

三年喪畢上受爵命於天子乃歸即位何明爵天子有

也臣無自爵之義

禮記疏四

所以為世子何言世世不絕

文選

注二十一

幹不庭方

薛章句曰幹正也

文選注二

王錫韓侯

韓詩曰諸侯有德天子錫之北堂書鈔三十

肇敏戎公

韓詩曰肇長也釋文七

自召徂命

詩傳曰予小子使爾繼召公之後受命者必以其祖命

之韓詩外傳八

敷敦淮墳

韓詩曰敷大也敦迫也釋文七

民民翼翼

韓詩曰民民覲也釋文七

王猷允塞

外傳六

伊胡為嫫

韓詩曰嫫悅也

文選注十九

我居御卒荒

外傳八

日辟國百里

韓詩曰辟除也

文選注八

維天之命

韓詩曰維念也

釋文七

薛章句曰惟念也

文選注二十三

無封靡于爾邦

薛章句曰靡好也

文選注十七

彼徂者岐有夷之行

韓詩傳曰岐道雖僻而人不遠

竝後漢書八十六

薛傳曰徂往

也夷易也行道也言百姓歸文王者皆曰岐有易道可歸往矣易道謂仁義之道而易行故岐道險阻而人不

一難後漢注八十六

王應麟曰筆談云彼徂矣岐有夷之行朱浮傳作彼岵者岐有夷之行今按後漢朱浮傳無此語西南夷傳朱輔上疏曰詩云彼徂者岐有夷之行注引韓詩薛君傳曰徂往也蓋誤以朱輔為朱浮亦無岵字

薄言振之莫不震疊外傳八

薛章句曰振猶奮也

文選注七三十五

薛章句曰薄辭也振奮

也莫無也震動也疊應也美成王能奮舒文武之道而

行之則天下無不動而應其政教後漢注六十二

懷柔百神

韓詩曰天子奉玉升柴三禮義宗

執競武王

韓詩曰執服也北堂書鈔八十九釋文七

貽我嘉麥

韓詩薛章句曰麥大麥也文選注四十八

帥時農夫播厥百穀

薛章句曰穀類非一故言百也文選注一

振鷺于飛于彼西雍

薛章句曰鷺絜白之鳥西雍文王之雍也言文王之時

辟雍學士皆絜白之人也後漢注 八十下

在此無惡在彼無射

後漢書 八十四

顧炎武詩本音曰在此無射 韓詩作射中庸引此亦作射

萬億及秭

韓詩曰陳穀曰秭釋文 七

涿有多魚

薛章句曰涿漁池也文選注 十八

爾雅參謂之涿郭注曰作參者積柴水中魚得藏隱因以薄圍捕取之邢昺疏曰小爾疋云魚之所息謂之潛潛參也積柴水中魚舍也詩周頌潛有多魚是也潛涿古今字
案禹貢沱潛既道史記作沱涿索隱云涿亦

潛作

文武惟后

韓內傳曰禘取毀廟之主皆升合食於太廟祫則羣廟

之主悉升於太祖廟

通典四十九禮書七十一

帷革有鶴

韓內傳曰鶴鵠胎生孔子渡江見而異之

盧辯大戴注十三韓

詩曰孔子渡江見之異衆莫能名孔子嘗聞河上人歌

曰鵠兮鵠兮逆毛衰兮一身九尾長兮鶴鵠也

廣韻五

耆定爾功

韓詩曰耆惡也

釋文七

惇惇予在疚

韓詩曰凡人喪曰疚

文選注十六

弗時仔肩

外傳三

予其懲

韓詩曰懲苦也

釋文七

左傳昭二十八年吾懲舅氏矣惠棟補注曰列子曰北山愚公懲山北之塞出入之迂注韓詩外傳云懲苦也

自求辛赦

韓詩曰赦事也

釋文七

翻飛惟鳥

薛章句曰翻飛貌

文選注二十一

民民其庶

韓詩曰民民衆貌釋文七

百室盈止

韓詩曰王者藏於天下諸侯藏於百姓北堂書鈔二十七

自堂徂基

韓詩說曰明堂在南方七里之郊大戴禮注八

自羊來牛外傳三

於繹思般

釋文曰毛詩無此句齊魯韓詩有之今毛詩有者衍文也崔集本有是采三家之本

有驛

韓詩曰白馬黑髦

釋文七

以車繹繹

薛章句曰繹繹勝貌

文選注七

屈此羣醜

韓詩曰屈收也收斂得此衆聚

釋文七

爾疋一屈聚也注引詩云屈此羣醜

鬣彼東南

韓詩曰鬣除也

釋文七

士喪禮四鬣去蹄注云鬣解也今文鬣作剔剔與鬣同大雅抑詩云用邊蠻方魯頌泮水云狄彼東南箋云邊

狄皆當作剔

獷彼淮夷

韓詩薛章句曰獷覺寤之貌

文選注五十九

枚枚

韓詩曰閒暇無人之貌也

釋文七

稊稊

韓詩曰稊長稼也稊幼稼也

釋文七

遂荒大東

韓詩曰荒至也

釋文七

思樂泮水薄采其芣魯侯戾止在泮飲酒

外傳三

新廟奕奕奚斯所作

文選注一

韓詩薛君傳曰是詩公子奚斯所作後漢注三十五薛章句曰

奚斯魯公子也言其新廟奕奕然盛是詩公子奚斯所

作也文選注一十一王楙野客叢書十四

孔曼且碩

薛章句曰曼長也文選注五十一

商頌

韓詩章句曰商頌亦美襄公史記注三十八薛章句曰正考甫

孔子之先也作商頌十二篇後漢注三十五韓詩曰宋襄公去

奢即儉文選注三

史記三十八襄公之時脩行仁義欲為盟主其大夫正考甫美之故追道契湯高宗殷所以興作商頌宋王

應麟困學紀聞曰法言云正考甫常晞尹吉甫矣公子
奚斯常晞正考甫矣司馬公注楊子謂正考甫作商頌
奚斯作閔官之詩故云然愚案史記宋世家襄公之時
大夫正考甫作商頌注云韓詩章句美襄公樂記温良
而能斷者宜歌商鄭氏注謂商宋詩蓋用韓詩說也考
之左傳正考甫佐戴武宣世本正考甫生孔父嘉爲宋
司馬華督殺之而絕其世皆在襄公之前安得作頌于
襄公之時乎後漢曹褒傳奚斯誦魯考甫詠殷注引韓
詩新廟奕奕奚斯所作薛君傳云是詩公子奚斯所作
正考甫孔子之先也作商頌十二篇詩正義云奚斯作
新廟而漢世班固王延壽謂魯頌奚斯作謬
矣然揚子之言皆本韓詩時毛詩未行也

方命厥后奄有九域

薛章句曰九域九州也

竝文選注
三十五

大禘是承

韓詩曰大禘大祭也

釋文
七

桓發

韓詩曰發明也

釋文七

率禮不越

外傳三 詩攷一 說苑漢書同

至于湯躋

外傳三

韓內傳曰湯為天子十三年年百歲而崩葬于徵今扶

風徵陌是也

御覽八十三

鄭康成禮記注曰齊為躋升也湯升為君

湯降不遲聖敬曰躋

外傳八

韓詩曰言湯聖敬之道上聞於天

文選注十六

武王載發有虔秉鉞如火烈烈則莫我敢曷

外傳三

案今詩作載施詩攷引韓詩外傳作發與荀子同從之曷荀子作遏

苞有三蘖

韓詩曰蘖絕也

釋文七

撻彼殷武

韓詩曰撻達也

釋文七

奮伐荆楚

韓嬰詩敘曰楚地在南郡南陽之間

詩攷一

勿子禍適

韓詩曰適數也

釋文七

京師翼翼四方是則

後漢書三十二

韓詩曰翼翼然盛也

後漢注
三十二

松柏丸丸

薛章句曰取松與柏

竝文選注
十八

馬融長笛賦丸挺彫琢刻鏤攢竿五臣注曰丸折挺擊也善注曰韓詩曰松柏丸丸薛君曰取松與柏然則丸取也

旅楹有閑

薛章句曰閑大也謂閑然大也

文選
注六

韓詩內傳徵補遺

編纂之書搜羅貴富。囿于聞見不無缺失。積日而增補其未備。別紙錄之。以待後得。高郵宋綿初。

將子無怒

辭章句曰將辭也

文選任昉策秀才文注楊雄甘泉賦注

吁嗟女兮

外傳二

弗曳弗屨

外傳二

悠悠倉天

外傳二

穀旦于墜

釋文

莘莘征夫

詩攷引外傳

且以酌醴

為酒為醴

韓詩曰醴甜而不泔也

文選張衡南都賦注

斯干

韓詩曰宋襄公去奢即儉

文選張衡東京賦注

百川沸騰

不震不騰

薛君韓詩章句曰騰乘也

文選顏延之車駕幸京口侍遊蒜山作詩注

雷雷原隰

周礼疏

延子條枝

詩攷據外傳

無言不酬詩攷引外傳

岐有夷之行子孫保之外傳

已見卷四據後漢書並注矣王應麟以朱子從韓詩彼
阻者岐按韓詩作徂薛傳云徂往也夷易也行道也言
百姓歸文王者皆曰岐有易道可歸往矣是以彼徂者
為句岐有夷之行為句鄭箋毛詩云後之往者又以岐
邦之君有佼易之道故也是鄭與韓詩合非讀彼徂者
岐為句也讀外傳益明矣薛傳又云謂仁義之道而易
行故岐道險阻而人不能又韓詩傳云岐道雖僻而人
不遠是言有仁義之道易往故不覺岐道之險僻非訓
徂為僻也集傳訓岨為險僻讀彼岨者岐為句
與韓詩迥別王以朱子從韓詩彼岨者岐誤也

釋其達

辭章句云盛兒文選楊雄甘泉賦注

遂撫大東尔正釋

韓詩內傳教甫贊

車言... 衮

將其來施施
顏氏家訓書證

韓詩內傳疑義

起漢之世。三家竝立說詩。彬彬言解義密。自時厥後。雖善無徵。諸子義疏。統存其名。選注說部。無所埒益。凡此之類。槩從闕疑。大雅宏通。別而白之。高郵宋綿初

傳曰。自陝以東者。周公主之。自陝以西者。召公主之。召公述職當。桑蠶之時。不欲變民事。故不入邑中。舍于甘棠之下。而聽斷焉。陝間之人。皆得其所。是故後世思歌詠之。詩攷

引說苑以爲韓詩

憲憲令德。禮記正義云。案詩本文。憲憲爲顯顯。與此不同者。齊韓魯與毛詩不同也。

盧泠泠詩攷引董氏云

為下國嘏鄧 禮記正義曰引齊韓魯詩也

薛君韓詩章句曰寂無聲之兒也文選潘岳西征賦注

載生載育

異義引齊魯韓說曰聖人皆無父感天而生詩生民正義

電雷也廣韻六脂電字注云出韓詩

靡共也易中孚九二釋文

後識

家大人饗韓詩成授男保習之以其古音古義之粲如也。當擇善而從矣。竊以漢三家詩立于學官。毛最晚出。自毛傳盛行于世。而三家微齊魯早佚。韓自宋無徵。然毛詩多有與韓詩合者。如緜蠻黃鳥。韓詩云緜蠻文鳥。毛傳云小鳥兒。其不以雙聲疊韻字象聲同也。燕婉之求。韓詩云燕婉好兒。燕婉與睍睍聲同義近。故睍睍黃鳥。毛傳亦訓好兒。東門之墀。韓詩云墀猶坦也。毛傳云除地町町者也。按除地町町卽是坦義。浚則厲。韓詩云至心曰厲。毛傳引尔疋由帶以上曰厲。按由帶以上與

至心同磬天之妹毛傳云倪磬也。纖纖女手毛傳云摻
摻猶纖纖也。夔夔文王綱紀四方毛詩作勉勉我王傳
云我王謂文王也。文王傳云夔夔勉也。徹彼桑杜韓詩
云杜桑根也。毛詩作土訓與之同。何彼戎矣毛傳云禮
猶戎戎也。天行艱難之子不猶韓詩云于我身不我可
也。毛傳云猶可也。是用不就毛傳云集就也。能不我狎
毛傳云甲狎也。揖我謂我媿兮韓詩云媿好兒。毛于碩
大且卷傳云卷好兒。莖之秣之毛傳云摧莖也。棄子如
隕韓詩云隕猶遺也。此其訓詁之同者也。至夫黽勉密
勿一聲之轉。馘逵隄旬二體之殊。音字雖分。義訓則一。

其有可以正毛傳相沿之誤字者不可休思毛本佗思
今則相承佗息不敢輒改致亂其體側矣綠蕒猗猗當
从篇莢今則相承佗竹同于籊籊竹干之竹致有淇與
綠竹之說矣有泮萋萋與雲祈祈本佗興雲故傳云泮
雲興兒萋萋雲行兒祈祈徐也言行雲之徐也下方云
雨我公田先雲而後雨也韓奕祁祁如雲傳云祁祁徐
覲也其證一大田上天同雲雨雪雰雰其證二今則相
承佗興雨致興雨二字難以屬文矣凡此皆毛同于韓
而急宐改正者讀韓詩瞭如矣毛公本通韓詩後以其
有未安又見三家互有踳駁因爲詁訓傳于其家自後

聲音訓詁之大者夫訓詁生于文字文字起于聲音古
人之文其音同音近者義每不甚相遠卽韓詩以引而
信之觸類而求之而聲音訓詁之道昭然矣爰以所聞
于庭訓者箸于簡末

男保
謹識